

اداره مخصوصه

درسعادتنده باب عالی جاده سنده

محل اداره :

مشارف

اخطار :

مسئله کوزه موافق آثار جدیدیه مع المنوئیه

قبول اولنور

درج ابدلهین آثار اعاده اولنور

دین ، فلسفه ، ادبیات ، حقوق و علوم دین باحث هفته لاق رساله در

مؤسسه لری : ابوالعلا زین العابدین - ح . اشرف ادیب

درسعادتنده نسخه سی ۵۰ پاره در

قیراه دن مقوا بورو ایله کوندریلیرسه سنوی
۲۰ غروش فضله آلنیر

تاریخ تأسیسی

۱۰ تموز ۳۲۴

سنه لکی

۶۰

۸۰

۸۰

درسعادتنده

ولایاتده

ممالک اجنبیه ده

درسعادتنده پوسته ایله کوندریلیرسه ولایات بدلی اخذ اولنور

ایکنجی جلد

۱۹ رجب ۳۲۷ پنجشنبه ۲۳ تموز ۳۲۵

عدد : ۴۸

اوستاد سخن که محرر فقیر طرفه نه قدر توجهی اولدیغی چشمه زار
فضل و کالیدن رشحه باش التفات اولان شو نشیده غرا ارانه ایدر :

ای افصح و ابلیغ امانل وی مرجع و ملجأ افاضل
ای حضرت حق هزور وی عارف نکته سنج و فاضل
اسرار بلاغتکله دلدن اولدی شہات جبر زائل
بومشکلی حله چوق صواشدی اسلافدن طلمان عامل
کوسترمدیلر بزه محقق بویخنده برمتین دلائل
صد شکرکه حل مشکل ایتدی ذاتک کبی بر حکیم کامل
حلال مشاکل بلاغت کشف غوامض مسائل
ای نام تو زیور زبانها وی یاد تو زینت محافل
بر تحفه که ایدمشدک احسان بوعبد کینه اولدی واصل
اول هدیه جان بهایه دیرسم شایسته در احسن الرسائل
عاجز در انک تشکرندن بوبنده یزبان و جاهل
سن کندی بیوک لککله ایتدک بونجه بنی التفات نائل
بن قنده اوالفت قده بالله دکم اولطفه قابل
حقا بنی محو صرف قیلدی ذاتکده کی اول نکو خصائل
دنیا ده کورلماش بواصلا برقطر یه بحر اید [تمایل]
یاخفص جناح برله خورشید برذر یه ایلله [تقابل]
یارب بونه حلم ونه تواضع یارب بونه علم ونه فضائل
تصدیقی براق دعا قیل اختر بوخیر دعادن اولمه غافل
الطاف جلیلی خداوند ایتسون سکا هر زمانده شامل
اولسون بزه چوق مؤلفاتک زیب ید و زینت انامل

صکره مهدی افندی بکا : سز بایلیکه دائر عکاده کی ظواهر
حالی حکایه ایدیور سه کز بن ده سزه شو کتابک بایلیکه متعلق محتویاتی
و تحقیقات و تدقیقاتی ارانه ایدرم دیهرک یاننده بولنان بر کتابی ویردی.
بو کتاب ، ایران رئیس حکمائی میرزا محمد مهدی خانک ۱۳۲۱ سنه
هجریه سنده مصرده طبع ایدلمش «مفتاح باب الابواب» نام عربجه بر اثر ایدر.
مؤلف کتاب ، باب تلقیب اولنان مؤسس مسالک میرزا علی
محمدک نبوت ادعاسنه قیام ایدلمش اولدیغی سویله یور . متنبی مذکور
ایله بعض اجله اتباعک تراجم احوالی و بونلرک بو صحیفه لرده نقل
و حکایه سنندن خامه تحریرک ابا ایلدیکی اقوال و معتقداتی عنعنه سی
و بعض وثیقه لر علاوه سیله یازیور . بابک کویا اسلوب کلام الله تعالیداً
سویلمش اولدی بی بعض عجائب و غرائب عبارده لرده ذکر ایتمش .
کتابی اوقوینجه مندرجاتی جرح و ابطال ایدر چک سلاح مدافعه یه
مالک اولدیغمدن لال و ابکم قالدیم .

برکت زاده اسماعیل حق

بقیه سی وار

مکتوب

(صراط مستقیم) ک صوتک نسخه سنده کی «یاد ماضی» ده عکایه
دائر اعطا بیوریلان معلومات صره سنده «کبری» صوبی حقنده
از جمله : برکت ویرسون بز اوراده ایکن حکومت محلیه نک بر خلی
مدت خواب کرانه طلمان اولان عزم و همتی او یاندی ده خارجدن

طاش کونکر کتوردیلرک صو کافی السابق شهره قدر اساله ایدلدی ،
قره سی مصادف نظر عاجزانم اولدی .

بو همت مشکوره صرف پدر مرحومه راجع اولسنه و خاکپا
یکزله صوتک تشریفده ایسه عکایه دائر بعض نقاط سؤال و استکناه
بیورلمسنه بنسأ تنویر افکار عالیترینه خدمت ایدر امیدیه کبری
صوبینه دائرده بروجه زیر عرض معلوماتی وجیهه دن عد ایلدم .

پدرم مصطفی ضیا پاشا مرحوم عکایه مواصلتده کبری صوبی
عکایه جاب و اساله ایلیمک اوزره سنه لردنبری تشکیل ایدلمش بر
قومیسون بولمشدی . ظاهراً صوبی بر آن اول عکایه جله مأمور
اولان اشبو قومیسونک حقیقت حاله رئیس و کاتبی بویوزدن آلمده
اولدقلری ضم معاشدن ، ویرلبدن مرکب اعضاسیده هر بری مالک
اولدقلری قرقر الیشر مرکله هر کون نعمین نهرینک آجی صوبی
قصبه یه طاشیترق فقرای اهلینک اوسایده بر چوق باره سنی در جیب
ایتمکدن محروم قالمق ایچون ایشی سورنجمده بر افرق الی ماشاه
تطویل و تمویقه جالیدشدیغنی تحقیق ایتیه سی اوزرینه ایلک اجرا آتی
قومیسون لگو ایتدرمک اوامش و کندوسی بالذات نظارت ایدرک
بش آلتی آی طرفه و «یاد ماضی» ده اشارت بیوردیفکر و جهله
بهجه دن عکایه قدر اولان قسمی ده جسم طاش کونکرله اکال
واساله یه موفقیت حصوله کلشدر .

مصطفی نادر

مدیر فکر

قامیل فلاماریون (طبیعتده خالق) نامنده کی اثرنده دیورک :
«هر زمان اسلافک ذات باری حقنده کی فکرلری بولندقلری دورک
سویه عرفانیله متناسب ایدی .»

حال بو مرکزده اولور ، عقلک جناب حق توصیف ایچون
بوله ییله چکی هر وصف اونک مقام صمدیتندن مرحله لرجه ، دنیا لرجه
اشاغیده قالیرسه ، دهاطوغریسی آرهدن آز بروقت کچوبده عظمت
الهی ناطق اولان علم بر آز دها ترقی ایتدیکی زمان ماضیده کی
عقل ایله تصور ایدیلان او صاف مستقبله کی عقلک حضورنده اک
واپسین بر درک یه اینرسه آرتق فصل اولورده انسان کال اللهک
بوتون کالاتک فوقسنده اولدیغنه اعتقاد ایتز ؟ فصل اولورده ذات
الهیسنی بزه قارشئ مستور بولندیران پرده لری شو قیصه عقل ایله
قالدیرمه یه هجوم ایتمه نک عفو اولماز بر جرأت اولدیغنی ، هر فطرت
سلیمه صاحبه دوشن وجیهه نک ایسه وجود باری حقنده کی حس
وجدانیسیله اکتفا ایدرک ذاتی ادراک خصوصنده کی عجزینی اقراره
منحصر قالدیجق آکلاماز ؟

ایشته اسلامده تنزیه باری بو صورته درک دیانت فطریه اصحابیده
سرالسراری مشرق ارواح و انواری شوبله طورسون ، شو محسوس اولان
ماده نک سرینی احاطه ادعاسنک بیله برجهل شین آور اولدیغنی علوم
طبیعیه لری دلائیل کوردکدن صوکره عین نقطه تنزیه رجوع ایتشلردر .

الی اللحد . « طرزنده امرلرده بولنور. اونك علمه ممرض اولمسی، حكمتله چاریشماسی ممكن دكل عقله صیغه ماز .

أوت واقعا اسلام مسلمانلره جاذبه ، دافعه، امتصاص قانونلرینی زوایای کروییه بختلرینی ، قطع ناقص ، قطع کافی مساحه لرینی تعلیم ایچون کله مشدر. لکن بوکی حیات دنیوییه تعلق ایدن مسائلی تعلیم تشویق ایچون ، ارباب عناد وغفلتی ، اصحاب عطالتی ایقاظ ایچون کله مشدر. جناب حق «و کائن من آیه فی السموات والارض یرون علیها وهم عنهام معرضون. — قل انظروا ماذا فی السموات والارض.» بویوریور. علوم طبیعیه نك منابعی تأمل ایده جك اولورسه ق خصیصه عقل وحسده بولور. عقلی اله آیرسه ق اسلام اونك مرتبه سنی اودرجه لرده یو کسلتم مشدر که ام متدینه تاریخنده مثله تصادف ایدیله من . حتی «الدين هو العقل ولادين لمن لا عقل له» حدیث شریفندن صراحة کلاشیله جنی وجهله عقلی ایمانك مداری ، یقینك اساسی صورتنده تلقی ایله مشدر . بونکله ده ا کفما ایتمه رك قلوبك اطمینان بولمسی ، اذهانه او هام وظنون کیرمه سنی ایچون اصول دینه منك عقله تطبیقنی امر ایتمشدر : «يا ايها الناس اعقلوا عن ربكم وتواصوا بالعقل تعرفوا ما امرتم به وما نهيتهم عنه . حدیث » آخرته کی ثوابك مقدارینی ده هر كسك دنیاده کی درجه عقلیه نسبتده بولوندر مشدر .

حتى اله آیرسه ق آزاوول سويلديكمز وجهله عقله بوقدر نفوذ و اقتدار و یرمش اولان اسلامك حسك احكامنه اهمیت عطف ایتمه سنی تصور اولنه من . اسلام ظن ووهمی — که حسه معارضدر لر — قطعاً محكوم ایله مش ، اصحاب ظنون و اوهامی الك بویوك انذارات ایله تهیدید ایتدیکی کی یانلرینه یا قلاشمه بی ده نهی ایتمشدر . « وان قطع اکثر من فی الارض یضلوك عن سبیل الله ان یبعون الا الظن وان هم الا یخروصون . » صوکره حس طرفندن و یریه جك حکمك مناقشه وجدال قبول ایتیه جکنی تقریر ایدرك محسوساتده معاندیه قالدیشانلره اوله تکدیر لر یاغدر . مشدر که بولره انچه . وهمه طایانلر دایانه بیلیر « اقمارونه علی ما یری . » ایشه علوم طبیعیه نك ایکی منبئی اولان حس ایله عقلك نظر اسلامده کی موقعی بودر که دینك بولنری نقدر ابحال ایتمه که اولدینی کورولور . ام سائر نك حکم خیاله منقاد اولدق لری بر زمانده — عقائدی حضور محکمه عقله چکرك محاکمه اتمك انسانك آنشده یا قیلیمق صورتیه اهلاکنی مؤدی بر فرض ، بر ضلال شککنده تلقی اولونوردی — اسلام مسلمانلرک نظرنده حس و عقلك موقعی بوصورتله تحکیم ایله مشدر . اسلامده قوانین عقل وحسه مطابق کاین بر عقیده یوقدر . عکسنی ادعا ایدن وارسه صدق مدعاسنه بر برهان مبین کتیر سین ده کوره لم .

ایشته اسلامك كرك عقائدینك صفوت و تراهی ، كركسه قوانین خلقته مطابقتدن ، احتیاج بشره موافقتدن طولایی فلاسفه عصر طرفندن دین فطری طبیعی عد اولنان دیانت جدیده ایله مناسبت و ملائمتی بودرجه لرده در .

هله بودینك سالک لری طرفندن کوستریان هم تراسایه سنده میدان آلان ترقیات مادییه کلنجه تاریخ ادیان ، هانکی دینده اولورسه اولسون . بونك بر مثله تصادف ایتمه مشدر .

فلاماریون عظمت الیهیدن مدهوش اوله رق اونی تحدیده جرأت ایدن عقوله تزییفلر یاغدر ییور : « اللهم نه بویوكسك ! عجباً کبمدر او متجاسر که الاول سکا اسم و یرمه قالدیشمشدر ؟ عجباً کبمدر او غافل ، او مجنون که الك اول سنی بر تعریف ایله افهام خلیاسنه دوشمشدر ؟ الیهی الیهی ! ای قوه نامتناهی ! ای رحمت غیر محدود ! ای لانهایه علوی ! ای عقولك ادراك ایده میه جکی ذات کبریا پناه ! »

عقل بشرک تعالیسی علایمندن عدا یدرك عصر حاضر علماسنك مباهی بولندقلری بوتنزه فلسفه دینه ایچون یکی بر خطوه ترقی دکلیدر ؟ ایشه بوتنزه جناب صدیقك «العجز عن درك الادراك ادراك» طرزنده کی اعتراف عارفانه سیله حضرت علینك شو حسب حالنی تکرار دن باشقه برشی دکلدر : « اوله بر قادر قومدر که او هام منتهای کبریاسنی ادراك ایچون ایلرو طوغری آتیلدقجه ، شائبه خیال دن باک دامن اولان افکار جهان غیب لاهوتیسنك اعماقنه یتشه رك اونی بولق ایستدجکه ؛ قلوب ماهیت صفاتنه اطلاع سوداسیله والهانه طولاشدجکه ؛ عقول صفاتك کریده قاله جنی بر غایت واره رق ذاتی ادراکه چالیشدقجه . او بولركه هپسنی کری چو یر ده بویان اولدقلری شبستان مهیب غییدن قور تولق ایچون ینه اونك مرحمتنه التجا ایدر لر . بو عزم و اقدامك غایه سنده بردست قهر و جبروتك آلنلرینه طایانه رق کندی لرینی رجعتیه محکوم ایلدی کی کوردر لده آرتق اوله بر طاقم تکلفات ایله تخیلات ایله باری تعالی یی ادراك قابل اوله میه جفتی ، حتی الك عالی فکر لرده اونك جلال و عظمتی تقدیر ایچون الك خفیف بر خاطر بیله خطور ایده میه جکنی اعتراف ایدر لر . ایشه مسلمانلرک ذات خالق مخلوقه مشابهندن قطعاً تنزیه خصوصنده کی عقیده لری بودر که بشر حقیقت نامنه خیال ایله مشبوع بر جوق ادواری طولاشدق دن بوتون عقبانی اقتحام ایتدکن صوکره بو غایت واره بیام مشدر . شمدی . وزی بتیر مزدن اول برده عقائد طاهره منك حضور علمده کی موقعی کوسترمه من ایجاب ایدیور زیر اعلم ایله دینك روحك شو ایکی آرزوسنك توفقی مسئله سنی حیات اجتماعی بشرله او غراشاد نلرك یكانه مشغله سنی اولمشدر . واقعا اصحاب ادیانن بر خیلی ذوات ادیان ایله عقلی بر یرینه تطبیق تشبثده بولندیلر ، لکن بومشکل ایشك آلتندن قالقه مادیلر ، هر طرفدن کندی لرینی تشبیع ایتمه که اولان های وهوی استهزادن بیک بلا ایله قور تیلهر رق هیچ سسلری طویولمیه جق بر کوشه خفایه چکلیدلر .

اما دین مبین اسلامه کلنجه انسانك عالم علوی ایله جهان سفلی یاخود عالم روحانی ایله جهان جسمانی آره سنده مشترک اوله رق كرك ترقیات صوریده ، كرك تعالیات معنویه ده الك عالی نظر لرك بیله تقدیر ایده میه جکی بر غایت کماله وصوله مستعد بولندیقی ، جناب حق طرفندن بزنی او غایه فوق الحیاله ایصال ایده جك بر طاقم مواهب سامیه ادراکات عالیه احسان بویورلدیقی ، بوتون عوالم طبیعی و روحانیه نك دست قدر . تمزه مسخر اولدیقی کتاب سماویسنك لسانیه صراحة بیان ایتمه که اولان بر دینك علوم طبیعییه ممرض اولمسی ، یاخود هر نه صورتله اولورسه اولسون اولنری تزییف ایتسی قطعاً تصور ایدیله من .

بر دین که اصحابنه «الحکمة ضالة المؤمن یاخذها انی وجدها — خذ الحکمة ولا یضرک من ای وعاء خرجت — اطلب العلم من المهد

بودن اوفاق بر قومه کوندرلدى . او قوم ايسه مدنيتہ دشمنلى اودرجيه وارديرمشدى که بدويلى اشکال معيشت انسانيه نك اک مکملی ظن ايدر ، حتى ده ايلرى کيدرك ، منتظم اولرده اوطورمق ، قلعه لرله ، حصارلرله محفوظ شهرلرده ساکن اولقى انجق عجملرك . روملرك قبول ايدم بيله چكى بدعات سيئه جمله سندنر ، دیردی .

ليكن آره دن يكرمى سندن پك ده زياده بر زمان كچمدى که بوقومك عروق واعصابه اولكى روحن دن پك باشقه برروح ، پك باشقه برحيات سريان ايتدى ؛ ده بر عصر بيله مرور ايتمدن کمال شان وشوكت ايله اريکه جلال وعظمته يوكسلدى ؛ اولجى اسمنى بيله بيلمديكى برچوق ممالكى ياره رق اوبر طرفه كچدى ؛ بوعالمده كنديسى ايچون هيچ بر معاند مكابرك انكار ايدم بيله چكى عالى بر موقع تأمين ايتدى . فرانسه نك سابق معارف ناظرلر دن مشهور دروى تاريخنده دييورکه : « بوتون اوروپا اهاليلى ظلام جهل ايچنده يوارلانه رق ضيائى معرفتى انجق ايكنه دليكندن كوره بيلمكده ايكن برده آفاق اسلاميتدن بر نور ميندر پارلادى ، علم ، ادب ، فلسفه ، صنايع شه لرى غايت ششمه دار بر صورتده تجليساز اولدى . ايشته اوزمان بغداد ، بصره ، سمرقند ، شام ، قيروان ، غرناطه ، قرطبه كچي مملكتلر محيط معرفت اك بويوك مركزلرى ايدى . ام سائر مه معارف بورلر دن انتشار ايتدى . اوروپا ايلر قرون متوسطه ده بونلر دن بر طاقم كشفيات وصنايع اغتنام ايتديلر که آتيده بيان اولنه جقدر ... » مورخ مسلمانلرك بوتون معاملات بشريه ده كى تقدملر ني ذكر ايدر كن دييورکه :

« تجارته كلنجه ، عربلر بوكا هر زمان بويوك رغبت كوستر . مشلردر . صوكرملرى محيط سلطنتلرى فرانسه ايله اسپانيا آره سنده كى پيره نه طاغلر دن هندك اقصى شالنده كى هيمالايا جبالنه قدر توسع ايدنجه آرتق هندستانك اك بويوك تجارى اولديلر . زراعته كلنجه ، بر نظيرلرى ده كور ومله مشدر . چونكه اومحرق كوشك آلتنده اوواسع تارلاره حيات كتيره رك او قدر ماهرانه توزيع ايتك اقتدارى عربلر دن باشقه سنده اوله ماز . عربلرك مملكه فلاحى اسپانيا ايلرى بوكون بيله فرانسه زراعته نمونه امثال اوله جق بر حاله كتير مشدر ، صنايعده ايسه عربلر روماليلرك اوواسع مملكتلرينه كيرنجه بوتون صنايعى اوكرنديلر ، حتى اك ماهر صنعتكار اولديلر »

مورخ عربلرك سمة سلطنتلرى حقنده ده شويله سويليور : « عربلرك ملكى ظهور اسلام دن اعتباراً يوز سنه ظرفده - شكارينى ياقه لامق ايچون قوللرينى آچان عظيم برديوك اوزانمىنى آكديرر بر طرزده - آله بيلديكنه امتداد ايدرك اقصى هند دن پيره نه طاغلرينه قدر دايايدى که بيك يدي يوز ايله بيك سكر يوز فرسخ آره سنده بر طول عرض ايدن بوقدر عظيم بر ملك دول ماضيه دن هيچ برينه ميسر اولما مشدر . » فرانسه آقادميسى اعضاسندن سديو تاريخنده دييورکه :

« قبائل متشكته عربى بر مقصده خادم ، يكدل بر جماعت حاله كتيرن جناب پيغمبرك ظهورندن صوكره النظارده بر امت عيان اولدى که جناح ملكى اسپانيا ده كى تاثر نرندن هندده كى غانج نهرينه قدر امتداد ايدبوردى . ايشته بوامت اوروپانك ليسله جهالت ايچنده

بولندينى بر زمانده شاهراه رشاد وهداده رفع معالم مدنيت ايلمشدى . مورخ ده صوكره دييورکه :

« بونلر قرون متوسطه ده ام سائر آره سنده علوم ايله تميز ايتملردى . اوروپانك نظامنى ، آسايشنى هرج و مرج ايدن باربار استيلاسى سبيله قطعه نك اوزرينه چوكن وحشت بولوطلرى هپ عربلرك هميله صيريلوب كيتمشدر . عربلر علوم قديمه منابعى ده تحري به بذل همت ايتديلر . هم يالكز بولدقلرى خزائن معرفتى محافظه ايله اكتفا ايتديلر ، بر طرفدن توسيع و اكاله چاليشه رق خوارق فنونى تأمل ايچون يكي يكي اصوللر كشف ايتديلر »

مورخ ده صوكره هومبولك شو سوزلريله استشهاد ايديور : « جناب حق قوم عربى فرات سواحيله اسپانيا ده كى وادى كير آره سنده منتشر بولنان امتلر پيننده اسباب تمدنك انتشارينه واسطه اولقى اوزره ياراشدر . ايشته بوامتلر علمى ، مدنيتى هپ عربلر دن آلمشدر . چونكه عربلرك باشقه لرينه هيچ بكره مين ، كنديلرينه خاص اولان بر طبيعتلرى واردى که بوتون عالم اوزرنده بويوك بر تأثير اجرا ايتمشدى . عربلر ناس ايله اختلاطه تحمل ايدم مين بنى اسرائيله طابان طابانه مخالف ايديلر . زيرا عربلر باشقه اقوام ايله معاملاتده بولونورلردى . شو قدر وارکه اختلاط سبيله طبيعت اصله لر ني دكيشدير مى . عربيتلر ني هيچ اونوتمازلردى .

آلمانلر فتوحاتلر دن پك چوق زمان كچمدكجه نائل تمدن اوله مامشلردى . عربلر كيتدكلرى يره مدنيتى ده برابر كوتورلر ، قوندقلرى يره مدنيتى ده اسكان ايدرك دينلرينى ، علوملرينى ، لسانلرينى اولك مشهور اولان شعرلرينى ناس آره سنده نشر ايلرلردى ... اويله ايسه صده رجعتله ديرز که صدائى شهرتلى اوروپاى نصرانى به واصل اولدينى زمان عربلرك تفوق و رجحان عقليلرى بزجه تصنيف و اختراع ايله مش اولدقلرى آثار ايله ثابتدر . ايشته بو حال باشقه لر ينك ده ديديكى كچي عربلرك بزم استاديمز اولديغنه بر حجتدر که اعترافدن اصلا چك نميز . » ايشته اسلامك ماديات ومعنويات اعتباريله حالى . آرتق بوندن صوكره ده ها نه ايسترز ؟ شو فصلده برهان ايله اثبات ايتدك ، كوزيمزله كوردك که بشر كوندن كونه بزم عقائديمز ياقلا شمعده در ، صوكره اكلا دق که بزم دينمك تاثيرات خارقه كوسترمش بر دين مدنى اولديغنه بالذات علمائى غرب شهادت ايتمكده در ؛ ده صوكره اوكرندك که دينميشكاه ترقيسنده ديكيلىك ايسته ين مانعله ره ، عقبه لره رغماً غايت مدتش بر طرزده انتشار ايتمشدر .

اوحالده بزم ايچون عالمك استادى ، مرييسى اولدقلرى سديو ، دروى ، هومبولد كچي مشاهيرك شهادتيله ثابت اولان واسلاف كزينك حقيقه اخلافى بولنديغمزى اثبات ايتمكدن باشقه ياقه جق برايش قالمامشدر . عجبا بر زمان كله جكمى که مسلمانلر اوكلرنده طور مقده اولان قوانين حياته عطف نظر التفات ايتسونلر ده بوكون دوشمش اولدقلرى مزلقه ايداردن كال سرعته قالدقهرق ، وقيله اجدادلر نصل عالمه شان و پر مش ايسه ، بونلر ده ام حاضر مه دهشت رسان اولسونلر ؟ نعم ولتاعمن نبأ بعد حين .

محمد فريد وجدى

صوك

محمد عاكف

ابوالعلا

احمد ساقى بك مطبعه سى